



Broj: 05-16-4-9796-4/17
Sarajevo, 07.12.2017.godine

Na osnovu člana 25. i člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“ broj: 39/14), ministar pravde Bosne i Hercegovine, donosi

ODLUKU
o dodjeli ugovora u postupku javne nabavke

I

Dodjeljuju se ugovor ponuđaču PLAN PLUS d.o.o. Zenica, Dr. Hasana Muminagića br. 2a, 72000 Zenica, u postupku javne nabavke uniformi, dijelova za uniforme i službenih oznaka za potrebe Odjeljenja sudske policije i Pritvorske jedinice Zavoda za izvršenje krivičnih sankcija Ministarstva pravde Bosne i Hercegovine, i to za lot 1 – kačketi i kape, i zaključenje ugovora u vrijednosti 4.644,90 KM sa PDV-om.

II

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

Obrazloženje

Ministarstvo pravde Bosne i Hercegovine je Odlukom broj: 05-16-4-9796/17 od 31.10.2017.godine, pokrenulo otvoreni postupak nabavke uniformi, dijelova za uniforme i službenih oznaka za potrebe Odjeljenja sudske policije i Pritvorske jedinice Zavoda za izvršenje krivičnih sankcija, izvršilo objavu na portalu javnih nabavki Agencije za javne nabave Bosne i Hercegovine, i u Službenom glasniku BiH.

U ostavljenom krajnjem roku za dostavljanje ponuda za lot 1 – kačketi i kape, pristigle su dvije ponude i to:

1. KMTRADE d.o.o. Visoko, Čaršijska bb, 71300 Visoko i
2. PLAN PLUS d.o.o. Zenica, Dr. Hasana Muminagića br. 2a, 72000 Zenica.

Komisija za nabavke Ministarstva pravde BiH je izvršila analizu i procjenu dokumentacije uz pristigle ponude i utvrdilo da dostavljene ponude ponuđača KMTRADE d.o.o. Visoko i PLAN PLUS d.o.o. Zenica, ispunjavaju sve formalne i tehničke uslove navedene u tenderskoj dokumentaciji, te se stoga smatraju prihvatljivim.

Nadalje, tačkom 5.6. tenderske dokumentacije propisano je da će ugovorni organ u svrhu uspoređivanja ponuda primijeniti preferencijalni tretman domaćeg u skladu sa Odlukom o obaveznoj primjeni preferencijalnog tretmana domaćeg („Službeni glasnik BiH“ broj: 83/16). Slijedom toga, ponuđač je dužan kao sastavni dio ponude dostaviti popunjenu Izjavu danu u Aneksu 4 u kojoj će zaokružiti jednu od ponuđenih opcija: a) ili b). Ukoliko ponuđač zaokruži opciju pod a), u svrhu dokazivanja da ispunjava uslove za primjenu preferencijalnog tretmana domaćeg, ponuđač je dužan pored Izjave, uz ponudu dostaviti i Potvrdu Vanjskotrgovinske komore BiH ili Potvrdu privredne komore Republike Srpske/FBiH, koja ne može biti starija od tri mjeseca, računajući od trenutka dostavljanja ponude.

Kako niti jedan od kvalificiranih ponuđača nije zaokružio u dostavljenom Aneksu 4 opciju a), odnosno nije dostavio dokaz da ispunjava uslove za primjenu preferencijalnog tretmana domaćeg, Komisija je predložila da se izvrši rangiranje prihvatljivih ponuda u skladu sa ponuđenim ukupnim cijenama ponuda bez uračunatog PDV-a, a prema utvrđenom kriteriju najniže cijene.

Slijedom gore rečenog, te shodno navedenoj rang listi utvrđenoj u Zapisniku o ocjeni ponuda broj: 18.6-16-4-10144/17 od 22.11.2017.godine (u prilogu), Komisija je jednoglasno preporučila ministru pravde BiH da u predmetu nabavke uniformi, dijelova za uniforme i službenih oznaka za potrebe Odjeljenja sudske policije i Pritvorske jedinice Zavoda za izvršenje krivičnih sankcija Ministarstva pravde Bosne i Hercegovine, i to za lot 1 – kačketi i kape, donese Odluku o dodjeli ugovora ponuđaču PLAN PLUS d.o.o. Zenica, Dr. Hasana Muminagića br. 2a, 72000 Zenica, kao prvoplasiranom na rang listi, sa ukupnom cijenom od 4.644,90 KM sa PDV-om.

Istovremeno, Komisija naglašava da je u skladu sa tačkom 3.1. tenderske dokumentacije ponuđač PLAN PLUS d.o.o. Zenica dostavio Izjavu, popunjenu i ovjerenu kod mjerodavnog organa za ovjeravanje, da se na njega ne odnose slučajevi definirani tačkom 3.1. od a) do d) tenderske dokumentacije (Aneks 3). S tim u vezi, kao odabrani ponuđač, obavezan je dostaviti dokumente u svrhu dokazivanja činjenica potvrđenih u spomenutoj Izjavi, a koji su pobrojani tačkom 3.1.2. tenderske dokumentacije, te na način kako je to propisano tačkom 3.1.3. tenderske dokumentacije.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 10 (deset) dana od dana kada je primio Odluku, odnosno Obaviještenje o rezultatima.


MINISTAR
Josip Grubeša


Prilog:

- Zapisnik o ocjeni ponuda.

Dostaviti:

- Ponuđači (x2),
- a/a.